

# Inuusuttut Kommunalbestyrelsiata Kommunalbestyrelsimut inassuteqaatai 2018

Ilisimatitsissut

J.nr.: 00.01

Suliffeqarfimmut Kiffartuussivik - Kommunaldirektøri Lars Møller-Sørensen / LMS

## Suliassamik eqikkaaneq

Inuusuttut Kommunalbestyrelsiata (INUUSUKOMBEST) ulluni 26-28 septembari 2018-imi ataatsimiinnerat tunngavigalugu, INUUSUKOMBEST-imi ilaasortat innersuussutit pingasut politikikkut suliarineqartussanngortinneqartut toqqarpaat ukuusut: Kommunip arsaattarfiisa ajuuffissaat nutaat; kommunip atuariisa akornanni ukiumoortumik unammisarnissaq kiisalu kommunimi meeqqat atugarissaannginnerusut pitsaanerusemik ikiorserneqartarnissaat. Matumuuna Qinikkanut Allatseqarfiup Inuusuttut Kommunalbestyrelsiata ullut ataatsimiiffii pillugit naliliinera ilisimatitsissutigineqassaaq taakkulu pillugit kingornatigut malitseqartitsilluni suliat, tassani ilisimatitsissutigineqarpoq Qinikkanut Allatseqarfiup Inuusuttut Kommunalbestyrelsiata innersuussutai siunnersuutitut 2019-imi periarfissat allattorsimaffiannut ilanngunneqartut.

Aningaasaqarnermut Inuusutissarsionermullu Ataatsimiititap 2018-imi novembarip ulluisa 8-ianni ataatsimiinnermini suliaq akuersissutigivaa Kommunalbestyrelsimullu inaarutaasumik akuersissutigisassanngorlugu ingerlatseqqillugu.

## Inassuteqaat

Aningaasaqarnermut Inuusutissarsionermullu Ataatsimiititap Kommunalbestyrelsimut inassuteqaatigaa:

- Ilisimatitsissut tusaatitut tiguneqassasooq

## Suliassamik saqqummiussineq

Kommunalbestyrelsip juunimi 2017-imi INUUSUKOMBEST-imi aallartitsisoqarnissaanik aalajangiinera tunngavigalugu ulluni 26-28 septembari 2018 INUUSUKOMBEST ataatsimiippoq, ilaasortat inuusuttut assut pimoorussisut peqataapput, taakkulu kommunimi atuarfeqarfitsik, illoqarfitsik aammalu nunaqarfitsik sinnerlugit peqataapput. Ullut ataatsimiiffiusut INUUSUKOMBEST-imi ilaasortanit pingaarnersiunerimik pingasunillu innersuussaqaqarnermik kinguneqarpoq. Innersuussutigineqartut tassaapput:

### a) *Kommunip arsaattarfiini ajuuffissat nutaat*

Ajuuffissat kommunimi inuusuttunit assut atorneqartarput ajuuffissallu amerlasuut taarsertariaqalersimapput. Suliniutigineqartumi ataatsimoornerup kammalaatigiinnerullu illoqarfiup meerartaasa inuusuttaasalu illoqarfiup ilaani meeqqanik inuusuttunillu naapitsineranni pilersinneqartartoq nuannaarneq aammalu soqutigisaqaqatigiinneq silamilu atugassarissaarluni timersorneq.

### b) *Kommunip atuariisa ukiumoortumik unammiaartarnissaat*

INUUSUKOMBEST-imi ilaasortanit kissaatigineqarpoq qaninnerusemik suleqatigiinneq atuarfiup iluani aammalu atuariit assigiinngitsut akornanni, tamannalu ukiumoortumik fagini assigiinngitsuni unammikkut pisassaaq assersuutigalugu paasisassarsiorluni angalanermut aningaasanik eqquinissamik periarfissalerlugu. Tassani siunertaavortaaq atuartut fagini assigiinngitsuni immikkut pimoorussinerullutik suliaqarnerusalernissaat, aammalu sumiiffiit apeqqutaatinnagit imminnut ilikkarnerulernissaat, nuannaarnermik ataatsimullu anguniagaqarnermi ajugaarusussuseqalernissaat.

c) *Kommunimi meeqqat atugarissaannginnersut pitsaanerusumik ikiorneqartarnissaat* INUUSUKOMBEST-imi ilaasortat erseqqissaassutigivaat, kommunimi meeqqat inuusuttullu amerlavallaat atugarissaartuunnginnerat ikuutiginneqartartullu naammattannginnera. Ilaasortanit kissaatigineqarpoq meeqqat inuusuttullu atugarissanngitsut taakkulu ilaquataat ingerlariaqqinnissaminnut pitsaanerusumillu inuuneqalernissaminnut pitsaanerusumik ikiorneqartassasut. Immikkut kissaatigineqarpoq pitsaanerusumik tarnip pissusaanik ilisimasalimmik ikiorneqartarnissaq aammalu ilaqutariinnut café-nik pilersitsinissaq.

#### *Aaqqiissutissatut siunnersuut – suliatigut naliliineq*

Peqqinnermut Pitsaaliuiner Mullu Immikkoortortaqaarfiup Inuusuttut Kommunalbestyrelsiata 2018-imi aningaasaliissutit atorlugit ajuuffinnik peqanngitsut nutaanik aammalu ajuuffiit taarsigassat taarserneqarnissaannik innersuussutaat akuerivaa. Ajuuffissat nutaat tulliani arsarfissanngorpat illoqarfinni nunaqarfinnilu atorneqarsinnaalissapput. Ajuuffissat nutaat pisiarineri 100.000 koruuninik akeqarput.

Atuarfiit akornanni ukiumoortumik unammiaartarnissap aammalu kommunimi meeqqat inuusuttullu atugarissanngitsut pitsaanerusumik ikiorserneqartarnissaat pillugit innersuussutit piviusunngortinnissaat pillugu Qiniikkanut Allatseqarfiup siunnersuutigivaa, 200.000 koruunit immikkoortinneqassasut, kommunimi atuarfiit akornanni unammiaartarnissat, aammalu kommunimi meeqqat inuusuttullu atugarissanngitsut pitsaanerusumik ikiorserneqartarnissaat, uani immikkut ilaqutariinnut café isigalugu, qanoq taakkua piviusunngortinnissaannut misissuinissamut.

#### *Aningaasaqarnikkut sulisoqarnikkullu naliliinerit*

Misissuineq ingerlatsiviit susassaqartut suleqatigalugit ingerlanneqassaaq. Siunnersuut 2019-imut periarfissat allattorsimaffianni ilaavoq.

#### *Inatsisitigut tunngavissaq allakkallu tunngaviumik uppernarsaatitallit*

Kommunalbestyrelsip inuusuttut kommunalbestyrelsiat pillugu siunnersuut akuerivaa, juunimi 2017-imi.

#### *Ingerlariaqqinnissaq*

Immikkoortoq periarfissat allattorsimaffianni akuerineqassagaluarpat, 200.000-t 2019-imi missingersuutinit immikkoortinneqassapput, innersuussutigineqartunillu, "ukiumoortumik kommunip atuarfiisa akornanni unammiaarneq" aammalu kommunimi meeqqat inuusuttullu atugarissaanngitsut pitsaanerusumik ikiorserneqartarnissaat pillugit piviusunngortitsinissamik suliaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

#### **Innuttaasunik peqataatitsineq/attaveqaaqatigiinneq**

Soqanngilaq.

#### **Ingerlatsivinnit allanit oqaaseqaatit**

Ingerlatsivinni susassaqartuni innersuussutigineqartut pingasut tamarmik tapersorneqarput: Meeqqanut Atuarfeqarnermullu kiisalu Meeqqanut Ilaqutariinnullu Ingerlatsiviit.

#### Peqqinnermut Susassaqartitsinermullu Immikkoortortaq

Suliaq Peqqinnermut Susassaqartitsinermullu Ingerlatsivik aqutigalugu piviusunngortinniarlugu suliarineqarpoq, aamma illoqarfiit nunaqarfiillu akuutinneqarput aperineqarlutillu sumi ajuuffinnik nutaanik pisariaqartitsisoqarnera pillugu. Ajuuffissat nutaat illoqarfinnut nunaqarfinnullu tamanut,

nutaanik pisariaqartitsinerminnik oqaatiginnittunut, piniarneqareerput. Aningaasartuutit 2018-imut missingersuutinit matussuserneqassapput ajuuffiillu siulliit 2019-imi aasami tunniunneqassapput.

#### Meeqqanut Atuarfeqarnermullu Ingerlatsivik

"Ukiumoortumik atuarfiit akornanni unammiaarneq" pillugu innersuussutigineqartoq Meeqqanut Atuarfeqarnermullu Ingerlatsivimmit tapersersorneqarpoq sillimaffigineqassarli periutsumik suliaqartoqartussaamat atuarfik pillugu inatsit naapertorlugu kiisalu tunngaviusumik perorsaariaatsikkut eqqarsartarneq atuarfeqarnerup katitigaaneranik tunngaveqartoq.

#### Meeqqanut Ilaqutariinnullu Ingerlatsivik

Meeqqat inuusuttullu atugarissanngitsut taakkulu ilaqutaasa tarnip pissusaanik ilisimasalimmit pitsaanerusumik ikiorneqartarnissaat iliuseqarfigalugu aallartittoqareerpoq. Meeqqanut Ilaqutariinnullu Ingerlatsiviup ilaqutariinnut cafémik aallartisaasoqarnissaanik kissaateqarneq tapersersorpaa, taanna Meeqqanut Ilaqutariinnullu Centerimi "ammasumik siunnersuisarnermut pioreersumut allatut periarfissatut isigalugu. Ingerlatsiviup innersuussutigissavaa, siullermik Nuummi misiligutaasumik ilaqutariinnut cafémik aallartitsisoqassasoq ilulissaa eqqortoq nassaariarlugu.

#### **Siusinnerusukkut aalajangerneq**

*Aningaasaqarnermut Inuusutissarsiornermullu Ataatsimiititap aalajangernera 8. novembari 2018-imeersoq:*

Inassuteqaatit akuersissutigineqarput.

#### **Ilanngussat**

1. INUUSUKOMBEST 2018 pillugu naliliineq.